

愚山詩集

愚山詩集

施愚山先生學餘詩集卷之十一

五言古

書懷

賓客滿四坐終歲罕獨閒浮名促疲疾罷組仍糾纏道
廣良可樂物役傷徒然窮居易資給少賤嘗灌園稔歲
有畱儲俯仰樂當年老願息舊業衡茅營數間盛夏面
林陰凜冬就朝喧琴書從所好周孔有遺編素侶偶斟
酌白雲開前山此志遂何日託詠舒襟顏

仙源胡白水校書郡齋

營道今寡黨世事薄好爵安定有喆裔望古獨棲託居
閒慕箕穎抗跡躡濂洛偶讀郡齋書冥心成屈蠖五經

何紛綸羣言恣斟酌春風吹我廬堦前爛紅藥伊人不
相見室邇悵離索

携酒酌張菊水

張坐事
奪官

窮交纏坎壈卑位含瑕垢歎息申椒芳一刈同稊莠往
事洵難追袖短露兩肘壯夫能任達解顏懽舊友急雨
過高城返照明西牖通塞誰當知平生一尊酒

劉伯陽先生墓下作

先生諱光燭閭章八歲時父
業師也酷貧力善卒無後爲

葬之先人墓左與
歲時共饗祀焉

荒墳蔽豐草下拜一沾臆韶齡憶受經百我夫子力言
笑無戲渝學書必端直匪亟禦童心束躬自繩墨時俗
薄踽踽多艱摧令德黔婁婁不辭伯道痛何極黽勉一

抔土宅我先隴側曰維余祖考故舊好相卽勿懟無烝
嘗薄薦歲黍稷短碣畱墓門千春有人識

書文杏菴壁

山寺俯寒塘古木散清越霜餘竹影疎客到鐘聲歇浮
雲相與歸羣岫見毫髮日暮思抱琴弄此崖際月

行役至城南雨宿田舍

重雲翳晃景寒雨沾我裳山潦滿谿谷咫尺阻相望出
門卽客子誰謂非他鄉踟躕就野宿筦簟施中堂四方
餘風志繁憂安可忘大火未西流輕颺改素商但令歲
毋晏寧辭征路長

聞龔宗伯病劇

浹旬鬱不歡書來自京闕秩宗魁墨人抱疴淹日月任
重紛艱虞憂多促齒髮累牘請賜骸陳情劇激烈帝
曰余股肱眷賜及藥物溫綸重纏縣中使無斷絕公臥
且稽首稱謝語哽咽主恩洵無涯臣力何由竭秉軸
徧諸曹補袞義亡缺羅才八紘盡渴士九州悅公嘗三
主禮闈
又屢請廣
取士額未應參天材盛夏愁摧折昔酌黑龍潭更闌
吟不歇錄別詩四章使我心百結荏苒歲再更耆舊成
騷屑安危繫公等愴悅意難輟

感興

昨日非前日今日異昨昔馳光策頽齡如不遑朝夕衰
至愁思併年往懽情擲人生信有涯五十已爲客但惜

聞道晚寧辭髮早白撫琴聊獨歌驚飈拂庭栢萬事有
凋隕何況非金石薄言刈萱草織爲忘憂席

行經三谿石壁

盱江羅公守郡時
書山高水長四字

抗策凌峭緬秋霖方滯淫輕飈扇微涼亭午蕩層陰上
有千仞峰下有百尺潄飛泉瀉叢薄百響騰崎嶇旣中
清商曲還傷遊子心嘒嘒玄蟬息噉噉哀猿吟昔有伶
倫客眷言山水音道遠誰見錄寂寥故難任撫絃發孤
唱日昃寒巖深

旌陽追哭杜朋李

孤桐一何直猗蘭一何親苦心執高義拳拳見斯人斯
人不重見涕笑誰爲真平生愛巖穴經籍談紛綸嬰疾

既已疲好古不謀身當塗爭折節結念惟隱淪懿茲握
中璧奄爲泉下塵

吳孟舉見寄舟行日記有述

歐公志于役放翁作蜀記卽日散羈懷繁簡撰各異吳
子閱閱人江海頗高寄家有積書巖園多種竹地遺詩
表宋元斷簡無失墜

吳刻有宋詩鈔

鼓棹入京師萬卷悉稠致

摩娑石鼓文時把公卿臂碎琴都市間十千取一醉興

盡遽歸來輕舟北風利河水沒荒城霜鐘寒遠寺時爲

漁父吟一寓滄洲意長嘯多憂懷深衷見瑣事近日王

平子

謂西樵阮亭兄弟

京輦論文字風藻盛推君吳會資鼓吹

雙魚來石門瑤華慰離思三歎書紙尾一附臨風翅

洛湯泉

黃帝鞭赤龍銜珠地上走長驅腸谷水潄沸成仰漏其
下惟丹砂百靈司左右憑欄如蹈空解衣若飲酎濯物
不辭污懷新無宿舊隨意稱暄涼齋心得枕漱掩蓋交
藤蘿暑寒改氣候旨口試蔗漿竟體沾蘭臭三浴入毛
髓自祝或睂壽靈域局萬山車騎罕暱就猶嫌碧石泉
薌澤染紅袖驪山溫泉貴妃浴處作詩銘仙都長使神蛟守

鳴絃泉

太古無絃琴片石橫絕壁時俗昧文辭風泉自憂擊山
中秋雨多松際寒雲碧昨夜復何人數聲吹鐵笛

登老人峰

陶蓮花峰近

觀化百代後獨立萬古前時時嵐霧裏濯濯冰雪顏俯
首見白雲舉首見青蓮軒后既冥邈藥鼎空聞傳竦身
躡峰頂把袂親拍肩欲語若凝睇夕陽在前山爲問容
成子螭駕何時還

雨止登煉丹臺

巖秋劇凜冬夜雨颭飛霰簷際青蓮花

蓮花峰正相對

曉起橫

匹練忽如丈雪深戶外看不見圍火蒸松根縮手謝書
卷向夕一開霽風吹裂雲片倒景射丹臺四山紛素絢
仰矚天欲翻俯窺谷彌眩羣峰盡骨立拔壑起峭嶮
影標浮屠銳形躍長劍回巒競侍從羽騎森飛戰惟餘
九龍峰輕綃隱半面舉踵狀候移倚杖晴陰變軒后事

渺茫百靈環繾綣懷新矜異賞憶往薄曩美始知風雨
心畱余究美善

自西海門登始信峰至石筍砭作

漢武企蓬壺謝客思廬霍崎嶇此層嶺倣詭難可度獅
巖旣蹲蹠九龍復回薄邃壑開虛無海藏失肩鑰珍貝
堵中陳鯢鯨谷底躍馮夷破幽宮白日逢不若連巒蕩
層波危嶼竦丹雘人烟乍晦明緬睇辨山郭迴策磴屢
紆孤峰吐岵嶸菓看野爰供碁見仙人博坼峽斷豁
孤松橫畧約有接引松峰頭石室存鐵壁咸時削長江練一
縷九子蓮纍萼俯窺散花塢丹黃紛漠漠延賞垂景
石筍驚解籜萬指攢青冥高撐各鋒鏖其旁無附屬兀

晨露斷鶚璫樹作弁蓋鮮雲裊倬約造物何狡獪巨靈
苦劖鑿苟非馭風人實恐山鬼攫抉險情自移采真理
無作逝將餐菊英重來躡芒屨林峰不我嘲當果浮丘
諾

南村贈許青巖

借問南村叟何如許叔重堦前繞叢竹林下緬幽蹤平
生慕遊俠垂老守章逢詠言歸黃海登三十六峰遲暮
篤鉛槧蒐討無春冬旣嬰丘明疾彌安原憲窮誰能辨
耆舊寒谷有青松

歙城傷二友

汪明經文岫

文章皆長物夙昔獨古處步屨數招隱忘年懽爾汝逾
耄道終窮一抔事未舉鉛槧委飛埃山園成宿莽

吳文縣右舟

延陵本世胄修髯氣卓犖遊嘯娛園林文酒歸京洛局
倭有遺草殉官無畱橐山水若平生勝事已零落

海陽施虹玉來問學

薄遊紫陽山突見吾宗秀矩步維先民彌縫數耆舊衣
袖裹餽糧風雨趨俎豆抗陳濂洛言直鄙揚班陋怒子
忝祖德勞子屢虛叩策驥取修塗千里貴馳驟努力早
升堂拳拳此良覲

寄答孫鍾元先生見懷

薄遊嘯臺下言登君子堂浮雲翳高樹商飈動微涼披
帷恨已晚執手意何長良會改疲疾坐語傾中腸欵曲
重平生惜別非河梁歲暮入我夢望遠一沾裳端坐讀
君書示我維周行間關二千里晨夕在君旁亡羊苦岐
路大道成迷陽天畱一老在九十誇身強努力馳修途
並駕同徜徉

擊蛇行

南山鴨脚樹輪囷逾十圍腹空五石餘穴暗不可窺長
蛇營窟宅盡室潛來歸憑陵長子孫吞噬飽甘肥吐氣
或如縷神怪疑蛟螭豐隆乃赫怒霹靂俄一揮其豪折
巨顙樹剖血淋漓羣族相枕藉京觀等鯨鯢破卵餘數

百纍纍腥山陲父老皆憤歎爾曹罪當治穴藏逋累歲
破滅終一時誰爲執法者明斷如雷師

送唐寓菴使君入賀兼憶沈康臣舍人

青桂始敷華芙蓉被秋水天風吹客衣星輶指帝里
五歲四行役勞臣無息軌拜舞趨彤庭行歌滿燕市京
曹多舊遊契濶羅尊簋我友沈隱侯飛溱金門裏瑤華
敘繾綣灑落竟長紙會合當何時少壯難久恃回望西
北雲三歎不能已

陶氏山莊

崇岡四回屬中野開原田林塘鬱相錯墟里暖人烟百
年無旱歲觴沸有靈泉桔槔不復施溝洫自緣沿種穀

間薑芋巖麓餘茶園石樓坐寒翠羣岫來樽前踵舊復
締構塗暨完且堅逍遙樂志論省曠閒居篇苟非執高
軌飽食寧足賢

正雲感事不指日

屏跡傍東郭敝褐守蓬軒叩門遠來客憔悴多苦顏黃
鵠乍垂翅顧我難爲言造次不相識慷慨心相憐脫贈
一無有腸回岐路間虞卿急士困相印爲之捐爲謝多
金人畱眼看豪賢

薄遊

汨汨歲將晏出門何行遊歸雲翳層坂落葉悲寒流達
人有哀樂牖下非所謀安能事瑣屑坐愁成白頭玄鶴

夜孤唳矯翼凌江洲行行無所適駕言散百憂幽興有時盡還轅息故丘

壯丁篇

爰爰置中兔強言南山虎身手非健兒作使充軍伍里正倚府帖論戶不論武東隣老寡婦獨子年十五子母共一身懷抱勝嬌女丁簿故添名弱肉供吞侮報十不報一顧盼分去取秋藤蔓不長孤兒出無侶骨肉愁生離吞聲淚如雨

古興一首示所親

裊裊百尺藤冉冉依喬柯青蒼蔽日月花葉相婆娑有鳥巢其中託身無網羅綢繆良得所所患天風多喬柯